

ret retortam transcendere , sic spiritus transibit , & sal in recipiente adhærebit , spiritus rectificetur , & sal, lege artis , sublimetur.

Ob vires aperientes & incidentes recommendatur in hydrope , idero, cachexia , scorbuto , & affectione hypochondriaca.

CLASSIS DECIMA QUINTA.

D E

SYRUPIS, Julapiis, Mellibus, Mivis, Pulpis, & Rob.

SYRUPUS DE ABSYNTHIO.

℞. Absynthii romani
Vulgaris ana uncias tres,
Florum roscarum rubrarum un-
cias duas,
Spicæ indicæ drachmas tres,
Succi cydoniorum libras qua-
tuor,

Macerentur per noctem in vase
fictili , dein fiat decoctio & expref-
sio , colaturæ addantur clarificatæ
Sacchari libræ duæ ,
Ut fiat syrpus.

*Ventriculi & hepatis , aliorumque
viscerum imbecillitati & cachexie sub-
venit , appetitum excitando , flatus di-*

*spellendo , urinam promovendo & di-
arrhaæs sistendo.*

SYRUPUS FLORUM ACACIÆ.

℞. Florum acaciæ recentium
libras tres ,

Macerentur per viginti quatuor
horas in

Aquæ fontanæ bullientis libris
sex ,

Exprimantur , & repetatur terna
infusio cum novis floribus , tan-
dem clarificatus succus cum

Sacchari albi libris tribus ,
Coquatur in syrumpum.

Ichores sanguini permixtos, superfluumquè serum leniter purgat.

Eodem modo parantur :

Syrupus florum persicorum,
Rosarum solutivus,
Rosatus aureus moschatus.

Quorum virtutes cum superiori conveniunt.

SYRUPUS ACETOSÆ.

℞. Succi acetosæ per residentiam depurati & filtrati libram unam,
Sacchari clarificati libras duas,
Fiat unicâ ebullitione syrupus.

In febribus biliosis astum temperando, & viscera confortando recom mendatur.

Similiter conficiuntur :

Syrupus acetosellæ,
Acetositatis citri,
De agresta,
Berberum,
Cerasorum acidorum,
Cydoniorum,
Fragorum,
Granatorum acido-dulcium,
Dulcium,
Mororum,
Myrtillorum,
Depomis simplex,
Ribum,
Rubi idæi.

Quorum syrporum vires ab ingredientium simplicium virtute dignoscuntur.

SYRUPUS DE ALTHEA.

℞. Specierum decocti de althæa uncias octo,
Coquantur in Aquæ fontanæ libris octo,
Tribus aut quatuor ebullitionibus, dein colatura clarificata cum Sacchari albi libris quatuor,
Fiat, ex arte, syrupus.

Urinæ impedimenta tollit, crassam viscidam, purulentamquè in renibus stagnantem materiam, ut & arenam blandè subducit.

SYRUPUS ANTICAUSODICUS.

℞. Succi semper vivi majoris uncias quatuor,
Cancerorum fluviatilium Roris vitrioli
Aceti rosati ana uncias tres,
Mellis clarificati
Sacchari albi ana libram unam,
Coquantur ad syrapi consistentiam.

In febribus ardenti bus linguae siccitatem humedat, afferitatem lenit, & astum contemperat.

SYRUPUS DE ARTEMISIA.

℞. Radicis rubiæ tinctorum Rusci ana uncias duas,
Cassiæ ligneæ
Herbæ artemisiæ ana unciam unam,
Pule-

Pulegii

Melissæ

Dictamni cretici

Sabinæ

Seminis nigellæ ana unciam
semis,

Florum hyperici drachmas
duas,

Digerantur per noctem in

Aquæ fontanæ libris quinque,
Manè unâ vel alterâ ebullitione per-
actâ, colatura clarificata cum

Sacchari albi libris duabus,

Redigatur in syrum.

*Mensibus suppressis, uteri suffoca-
tioni, & diffcili partui subvenit.*

SYRUPUS AURAN- TIORUM è CORTICI- BUS.

¶. Corticum aurantiorum extimo-
rum recentium un-
cias sex,

Vini generosi libras duas,
Macerentur loco calido per viginti
quatuor horas, vase probè clauso,
tum vinum decantetur, filtretur,
& cum

Sacchari clarificati libris duabus,
In vase clauso coquatur syrum.

*Concoctionem promovet, flatus di-
pellit, cor & ventriculum roborat.*

SYRUPUS DE BETO- NICA.

¶. Succi betonicæ expressi & de-
purati

Sacchari albi ana libras tres,

Clarificando coquantur in syru-
pum.

*Capitis & uteri affectibus convenit, leni-
ter aperiendo, incidendo & abstergendo.*

Eodem modo coquuntur :

Syrupus cardui benedicti,
Cichorei simplex,
Cochleariæ,
Endiviæ simplex,
Fumariæ simplex,
Hederæ terrestris,
Melissæ,
Menthæ,
Plantaginis,
Portulacæ simplex,
Scabiosæ,
Scordii,
Veronicæ.

*Quorum virtutes simplicibus con-
tentis correspondent.*

SYRUPUS FLORUM BORRAGINIS.

¶. Florum borraginis recentium
libram unam semis,
Aquæ fontanæ calentis libras
tres,

Fiat infusio per viginti quatuor
horas, dein expressio, & colatu-
ra cum

Sacchari albi libris tribus,
Coquatur in syrapi clarificati con-
sistentiam.

*Maniacis, melancholicis & animo
languentibus per quam proficuus est.*

Ad hanc normam conficiuntur :

Ddd

Syru-

Syrupus florum buglossi,
Florum farfaræ,
Florum nymphææ,
Florum papaveris erratici,
Florum pœoniæ,
Florum tunicæ.

Qui simplicium suorum virtutes emulantur.

SYRUPUS VEL JULAPIUM CAPILLORUM VENERIS.

R. Herbæ capillorum veneris electæ incisæ uncias duas, Coquantur unâ vel alterâ ebullitione cum Aquæ fontanæ libris duabus, Colatura cum Sacchari albissimi libris duabus, Clarificetur, & paretur in syrum molliorem.

In affectibus thoracis & tenuibus defluxionibus præstans est pectorale remedium.

SYRUPUS DE CICHO-REO CUM RHABARBARO.

R. Herbæ cichorei cum floribus uncias tres, Endiviæ Taraxaconis Fumariæ ana unciam, unam, Rutæ murariaæ Ceterach ana unciam, semis, Radicis cichorei uncias quatuor,

Fœniculi Apii Asparagi ana uncias duas, Fiat decoctio cum Aquæ fontanæ libris duodecim, Ad consumptionem medietatis, colentur, & exprimantur. R. Rhabarbari optimi uncias octo, Salis tartari drachmam unam, Incisa infundantur in aquæ fontanæ sufficienti quantitate, peractâ infusione excoquantur ad totalem substantiæ extractionem, colatura ad libras duas incocta misceatur cum superiori decocto, tandem albumine ovorum clarificata cum Sacchari albilibris decem, Coquantur ad syrapi consistentiæ addendo in fine Spicæ indicæ in nodulum ligatæ drachmas duas semis.

In obstruktione hepatis, idero & cachexia conducit, lentorem vitiosum resolvendo, eundemque per urinam & alvum subducendo, recommendatur quoque pueris epilepticis.

SYRUPUS DE CINNAMOMO.

R. Cinnamomi optimi crassiusculæ contusiuncias quinque, Ponantur in cucurbitam vitream addendo Aquæ cinnamomi cum vino destillatæ libram unam semis, Stent per viginti quatuor horas loco calido, dein filtrantur, & cum Sacchari albissimi libris duabus, Fiat

Fiat in vase clauso unicâ ebullitione syrpus.

Ventriculo, ejusquè concoctriciæ lœsæ medetur, cor quoquè & spiritus vitales recreat.

SYRUPUS CONTRA JERVÆ.

℞. Pomorum citri cum toto numerô sex,

Concisa cucurbitæ vitreæ impo-
nantur addendo

Radicis contrajervæ unciam
unam semis,

Serpentariæ virginianæ un-
ciam unam,

Seminis cardui benedicti
Mariæ ana unciam
semis,

Granorum kermes drachmas
duas,

Succi granatorum dulcium li-
bras duas,

Digerantur per viginti quatuor ho-
ras, tum factâ expressione clarifi-
cetur, & cum

Sacchari albi libris tribus,
Fiat in vase vitreato benè clauso
syrpus.

*Virtutes sunt alexipharmacæ, cor-
diales, & humorum putredini resis-
tes.*

SYRUPUS CORALIORUM.

℞. Coralliorum rubicundissimo-
rum contusorum libram
semis,

Affundatur

Succi berberum perfectæ ma-
tutitatis depurati quantitas
ad quatuor digitorum emi-
nentiam,

Digerantur calore balnei vaporosi
tamdiu, quamdiu corallia bullu-
las emittunt, dissolutum per in-
clinationem separetur, recensquè
relictis coralliis succus depuratus
affundatur, id reiterando ad to-
talem extractionem, sumantur

Hujus jam corallinâ essentiâ
imprægnati & commixti
succi libra una,

Sacchari albi libræ duæ,
Et coquantur in vase vitreato in
syrupum.

*In hepaticis affectibus, dysenteria,
lienteria & consimilibus recomenda-
tur.*

SYRUPUS CITRI & CORTICIBUS.

℞. Corticum citri extimorum re-
centium libram semis,

Coccinellæ drachmam unam,
Vini generosi libras duas,

Macerentur per viginti quatuor
horas loco calido, vase probè clau-
so, ex post infusum decantetur, &
filtretur, demum cum

Sacchari albi libris duabus,
Vase clauso coquatur syrpus, si
completus desideretur, addatur

Moschi orientalis in petia ligati
scrupulus semis,

*Febribus malignis & pestilentialibus
resistit, cor & ventriculum roborando,
malignitatemque arcendo.*

SYRUPUS DIASE- REOS.

Rx. Seminis carthami
 Passularum minorum ana uncias duas,
 Herbæ endiviae
 Cichorei ana unciam
 unam semis,
 Adianthi nigri
 Agrimoniæ
 Ceterach
 Cuscutæ
 Baccarum alkekengi ana unciam semis,
 Radicis apii
 Fœniculi
 Asparagi
 Polypodii
 Liquiritiae
 Myrobalanorum citrinarum
 Chebularum ana unciam
 unam,
 Zinziberis
 Cinnamomi ana drachmam
 unam,
 Incisa & contusa coquantur in
 Aquæ fontanæ libris duodecim,
 Ad remanentiam librarum quatuor, colentur, & exprimantur.
 Rx. Rhabarbari optimi libram se-
 mis,
 Foliorum sennæ sine stipitibus
 uncias quatuor,
 Salis tartari drachmam unam,
 Infundantur in aquæ fontanæ suf-
 ficieni quantitate, repetitis vicibus,
 ad totalem extractionem, peractis
 infusionibus coquantur ad rema-
 nentiam librarum duarum, & co-

lentur; deinde ambæ colaturæ in-
 vicem permixtæ clarificantur albu-
 mine ovi, & cum

Sacchari albi libris quatuor,
 Coquantur in syrum.

*In febribus diuturnis & viscerum
 obstruktionibus blandè alterando, & sa-
 burram subducendo virtutes demon-
 strat.*

SYRUPUS DOMESTI- CUS, SIVE DE SPINA CERVINA.

Rx. Succi baccarum de spina cervi-
 na depurati libras
 duas,
 Sacchari albi libram unam
 semis,
 Coquantur ad justam consistenti-
 am, in fine addendo sequentia con-
 tusa in petia ligata
 Seminis anisi
 Mastichis electæ
 Zinziberis
 Cinnamomi
 Caryophyllorum ana drach-
 mam unam.

*Bilem, pituitam serososquè bumo-
 res purgat, hinc hydropicis, arthriti-
 cis & cacheticis conducit.*

SYRUPUS DE DUABUS RADICIBUS.

Rx. Radicis petroselini
 Fœniculi ana uncias qua-
 tuor,
 Aquæ fontanæ libras quinquè,
 Coquantur ad medietatem, col-
 turæ post clarificationem addantur
 Sacchari

Sacchari albissimi libræ duæ,
Ut fiat syrpus.

Obstrunctiones viscerum referat, humores crassos incidit, & attenuat, urinamque movet.

SYRUPUS EMETICUS.

R. Vitri antimonii subtilissimè pulverisati unciam unam,
Infundatur per viginti quatuor horas in balneo mariæ in

Aceti vini unciis viginti,
Postea addantur
Cinnamomi electi
Radicis zedoariae
Seminis angelicæ ana drachmæ
duæ,

Croci austriaci drachma semis,
Stent adhuc per quatuor horas infusa, dein per duplarem chartam emporeticam filtrantur, & cum

Sacchari clarificati unciis viginti,
Fiat syrpus.

Vomitorium præstat insigne ad vitiosos humores è primis viis eliminandos, hinc in febribus intermittentibus & morbis chronicis convenit.

SYRUPUS ENULÆ.

R. Radicis enulæ recentis libram semis,
Coquatur cum

Aquæ fontanæ libris quatuor,
Ad medietatis consumptionem, de-
in clarificetur, & cum

Sacchari albi libra una semis,
Fiat syrpus.

In asthmate, raucedine, tussi, cruditatibus ventriculi, & obstrunctionibus ureterum virtutes exercet.

SYRUPUS DE ERYSMO.

R. Herbae erysimi recentis cum toto uncias quatuor,
Radicis enulæ
Tussilaginis
Ireos

Passularum mundatarum ana-
uncias duas,

Herbae borraginis
Cichorei
Capillorum veneris ana
unciam unam,

Florum cordialium
Stæchadis
Rorismarini ana unciam
semis,

Seminis anisi drachmas sex,
Incisa & contusa coquantur in
Aquæ fontanæ libris octo,
Ad remenantiam librarum qua-
tuor, factâ expressione & colatu-
râ dissolvantur in ea

Sacchari albi libræ quatuor,
Ut fiat syrpus.

In affectionibus pedioris, præcipue raucedine optatum effectum præstat.

SYRUPUS DE FUMARIA COMPOSITUS.

R. Myrobalanorum citrinarum-
chebularum ana-
uncias duas semis,

Ecc Radi-

Radicis polypodii
 Florum borraginis
 Buglossi
 Violarum
 Herbæ absynthii
 Epithymi
 Cuscutæ ana unciam
 unam,
 Radicis liquiritiæ
 Florum roscarum ana unciam
 semis,
 Pulpæ caffæ
 Tamarindorum ana uncias
 duas,
 Passularum majorum
 Prunorum ana libram semis,
 Aquæ fontanæ libras decem,
 Omnia lento igne coquantur ad
 libras tres, in fine decoctionis cas-
 siam & tamarindos addendo, dein
 forti expressione colentur, & ad-
 dantur

Succi fumariæ libræ tres,
 Sacchari albi libræ quatuor,
 Clarificantur albumine ovi, & co-
 quantur in syrum.
Pituitam salam, bili osque humo-
res educit, obstrunctiones referat, &
viscera roboret.

SYRUPUS GEMMA- TUS.

R. Succi granatorum acidorum
 Pomorum redolentium
 Limonum ana uncias octo,
 In his succis infundantur
 Flavedinis corticum citri unciæ
 duæ,
 Aurantiorum uncia una,

Florum tunicae rubrorum
 Buglossi ana uncia semis,
 Coccinellæ drachmæ duæ,
 Factâ per unam vel alteram diem,
 vitrō optimè clauso, leni calore
 digestione colentur, & in colatura
 dissolvantur
 Magisterii solubilis coralliorum
 uncia semis,
 Matris perlarum
 Margaritarum
 orientalium
 ana drachmæ
 duæ,
 His solutis addantur
 Sacchari albi libræ tres,
 Quod ubi sine coctione dissolu-
 tum fuerit, addantur
 Aquæ naphæ unciæ duæ,
 Et vase clauso statim inde paretur
 syrpus.

In febribus ardentibus, malignis, &
pestilentialibus summum est cordiale,
ex aestuationes & palpitationes cordis
temperans dilaudante Zwelfero.

SYRUPUS GRANO- RUM KERMES.

R. Coccinellæ unciam unam,
 Infundatur per noctem in
 Aquæ borraginis
 Totius citri ana libra
 una,
 Colatura clarificata coquatur vase
 clauso cum
 Sacchari albi libris duabus,
 In fine coctionis addendo
 Succi simplicis granorum ker-
 mes monspelliensis uncias
 quatuor,

Cor-

Cordiale est specificum in omnibus animi deliquiis & febribus malignis.

SYRUPUS DE HYSSO- PO.

℞. Foliorum hyssopi uncias tres,
Radicis enulæ
Apii
Fœniculi
Petroselini ana unciam
semis,
Specierum decocti pectoralis
libram semis,
Coquantur in aquæ fontanæ suffi-
cienti quantitate, colatura libra-
rum quatuor cum
Sacchari albi libris quatuor,
Coquatur in syrupum.

*In morbis thoracis ex frigida & cras-
sa materia ortis miræ est efficacie, hinc
asthmaticis & tussientibus recommen-
datur.*

SYRUPUS DE JUJUBIS.

℞. Jujubarum enucleatarum li-
bram semis,
Capillorum veneris
Hordei mundi
Radicis liquiritiæ ana unciam
unam,
Florum violarum
Seminis malvæ ana unciam
semis,
Coquantur cum
Aquæ fontanæ libris novem,
Ad tertias, colaturæ addantur
Sacchari albi libræ duæ,
Et paretur inde syrupus.

*Tussi sicce, raucedini, cæterisque
thoracis affectibus & defluxionibus ma-
turando & expeditorando medetur.*

SYRUPUS DE LIQUI- RITIA.

℞. Radicis liquiritiæ uncias qua-
tuor,
Herbæ capillorum veneris un-
cias duas,
Hyssopi unciam unam,
Concisa macerentur per viginti
quatuor horas in
Aquæ bullientis libris quatuor,
Dein coquantur ad consumptio-
nem medietatis, colaturæ addan-
tur
Sacchari albi libræ duæ,
Et fiat syrupus.

*Pulmonibus & thoraci confert, tussim
siccam & inveteratam tollit, pleuriti-
dem arcet.*

SYRUPUS MANNA- TUS.

℞. Passularum minorum uncias
quatuor,
Radicis polypodii quercini
Ireos florentinæ ana unciam
unam semis,
Liquiritiæ
Jujubarum enucleatarum ana
unciam unam,
Florum cordialium ana drach-
mas tres,
Caricarum pinguium
Dactylorum enucleatorum ana
numerô duodecim,
Coquantur omnia in
Eee 2 Aquæ

Aquæ fontanæ libris octo,
Ad consumptionem medietatis,
deinde

Foliorum sennæ electæ unciax
octo,

Infundantur in

Aquæ bullientis libris quatuor,
Permitteatur infusio cum decocto,
colentur, & exprimantur, ac addan-
tur

Mannæ calabrinæ electæ libra
una,

Sacchari albi libræ quatuor,
Et coquantur, lege artis, in syru-
pum, in fine coctionis addendo

Cinnamomi in petia ligati un-
ciam semis.

*Ad alvum solvendam absque hæsi-
tatione etiam juvenculis tutò exhibe-
tur.*

SYRUPUS PAPAVERIS ALBI.

R. Capitum papaveris albi cum
semine libram semis,
Incisa & parum contusa coquan-
tur in

Aquæ fontanæ libris sex,
Ad medietatis consumptionem,
tum

Sacchari albi libris duabus,
Fiat syrpus clarificatus.

*Ad tenues & acres defluxiones in-
tercipendas, in tussi præcipue ferina
recommendatur.*



SYRUPUS è POMIS REGIS SAPORIS.

R. Succi pomorum dulcium
Borraginis
Buglossi ana libram
unam semis,

Follicolorum sennæ uncias duas,
Senna concisa per viginti quatuor
horas in succis maceretur, semel
aut bis ebulliendo, dein colentur,
colatura clarificata cum

Sacchari albi libris duabus,
Coquatur in syrupum, in fine ad-
dendo

Croci austriaci in petia ligati
drachmam unam.

*Maniacis, melancholicis, singulti
& lipothymia laborantibus confert.*

SYRUPUS DE ROSIS SICCIS.

R. Rosarum rubrarum siccatarum
libram unam,

Infundatur in

Aquæ bullientis libris quatuor,
Dein sine decoctione, factâ forti
expressione, ad infusionis libram
unam sumantur

Sacchari albi libræ duæ,
Et unicâ ebullitione factâ ser-
vatur syrupus, cui refrigerato ad-
dantur

Spiritu vitrioli guttae triginta,
Et agitetur per medium horam,
continuam.

*Ad omnem immodicum alvi flu-
xum conductit, eum sistendo, partes
internas roborando, ulcera detergen-
do,*

do, & glutinando, subvenit etiam rheumatismo uteri, & inservit pro gargarismate.

SYRUPUS SCELOTYR-BICUS.

R. Succi nasturtii aquatichi
Beccabungæ ana libram
semis,
Fumariæ
Lupuli ana uncias tres,
Coquantur cum
Sacchari albi libra una semis,
Ut inde clarificando syrups fiat.

Scorbuticis prodest acrimoniam humorum corrigendo, obstrunctiones mesenterii & lienis tollit, erosionem oris & gingivarum curat.

SYRUPUS DE SILI- QUIS, SEU DIACODIUM LIQUIDUM.

R. Capitum papaveris albi cum
semine numerō vi-
ginti,
Siliquarum dulcium enucleata-
rum uncias tres,
Radicis liquiritiae rafæ uncias
duas,
Aquæ fontanæ libras octo,

Incisæ coquantur invicem ad re-
manentiam librarum trium, expri-
mantur, & colentur, demum ad-
datur

Sacchari albi libra una semis,
Et clarificatione factâ coquantur
ad syrapi consistentiam.
Eadem methodo paratur :

SYRUPUS SEU DIACODIUM CROCATUM.

Addendo in fine coctionis
Croci austriaci in petia ligati
drachmas duas.

In tenuibus & acribus defluxionibus, ut & tussi continua vigilia excitante, utraque compositio conducebit.

SYRUPUS DE SYMPHYTO.

R. Radicis & cymarum symphyti
majoris uncias tres,
Florum rosarum rubrarum
Herbæ betonicæ
Plantaginis
Pimpinellæ
Polygoni
Scabiosæ
Tussilaginis ana unci-
am unam,

Coquantur cum aquæ fontanæ
sufficienti quantitate ad libras tres,
& addendo

Sacchari albi libras duas,
Fiat peractâ clarificatione syrups,

Tabidorum & exulceratorum pulmonum saniem & purulentam saburram, absque hæmorrhagiæ metu detergit, pulmonesquè roborat.

SYRUPUS VIOLARUM.

R. Florum violarum martialium
libras duas,
Diligenter è cauliculis excerpantur, & à viridi caule repurgentur,
contundantur in mortario lapideo,
Fff pistillo

pistillo dein infundatur in vase stanneo cum

Aquæ ferventis libris duabus,
Stent per noctem optimè clausa,
manè forti expressione peractâ ad
libram unam infusi stimantur

Sacchari albissimi pulverisati
libræ duæ,
Et unicâ ebullitione in vase stanneo
factâ, in balneo mariæ, coletur
& usui servetur syrpus.

Virtutes sunt cordiales & pectorales, æstimquæ febrilem temperantes.

JULAPIUM ROSATUM.

¶. Aquæ rosarum fragrantissimæ
libram unam,
Sacchari albissimi libras duas,
Dissolvantur vase clauso unicâ
ebullitione.

Cordiale, æstimquæ corporis præternaturalem contemperans est remedium.

Pari modo paratur :

JULAPIUM VIOLARUM.

Paresquæ cum priori virtutes poscidet.

MEL ANTHOSATUM.

¶. Infusi florum & herbæ rorismarini recentium saturatissimi libræ unam,
Mellis despumati libræ unam
semis,

Ebulliant ad debitam consistentiam, colentur, & mel servetur usui.

Colicæ & soporosis affectibus, ut & apoplexia per clysteres applicatum medetur.

MEL CALTHÆ PALUSTRIS.

¶. Florum calthæ uncias quatuor, infundantur in aquæ fontanæ sufficienti quantitate, tum

Saturatæ hujus infusionis libræ duæ,
Coquantur cum

Mellis despumati libris duabus, Ad justam consistentiam.

Virtutes sunt incidentes & obstrunctiones reserantes, menses & fœtum promoventes.

MEL CHELIDONIÆ.

Paratur eodem modo ex herba & floribus,

Virtutes in idero, obstructionibus hepatis, lienis, & ureterum exercet.

MEL MERCURIALE.

¶. Succi mercurialis

Mellis depurati ana libras duodecim,
Coquantur & despumentur.

Abstergens est & laxans, adhibetur in clysteribus & injectionibus uterinis.

Eodem modo paratur :

MEL

MEL PYRETHRI.

Quod in phlegmate pulmonum resolvendo, & ad exscretionem promovendo confert.

MEL PECTORALE.

R. Specierum decocti pectoralis libram semis,
Coquatur in sufficienti quantitate aquæ fontanæ ad libras duas, & fiat cum

Mellis despumati libris duabus,
Mel pectorale.

Cujus vires ab ipso nomine indicantur.

**MEL ROSATUM
SIMPLEX.**

R. Muchari rosarum libras octo,
Mellis libras duodecim,
Coquantur ad justam consistentiam.

Vires sunt resolventes & abstergentes in exulcerationibus & pro gargarismo.

MEL ROSATUM SOLUTIVUM.

R. Muchari rosarum libras sex,
Mellis libras tres,
Coquantur debitè.

Vires sunt abstergentes & laxantes.

MEL VIOLARUM.

Paratur ex floribus uti mel calthæ.

Viribus pollet refrigerantibus.

MIVA CYDONIORUM AROMATICA.

R. Succi cydoniorum depurati libras viginti,
Sacchari albi libras sex,
Coquantur ad mellis consistentiam, in fine decoctionis addatur nodulus, in quo contineantur Cinnamomi acuti
Cardamomi majoris ana drachmæ tres,
Croci austriaci
Caryophyllorum
Zinziberis
Masticis
Ligni aloes
Macis ana drachma una semis,
Et servetur usui.

*Ventriculum calefacit, concordi-
nem promovet, pituitosos humores
ventriculum relaxantes absunit, dia-
rham & lienteriam cohibet.*

OXIMEL SIMPLEX.

R. Mellis despumati libras duas,
Aceti acerrimi uncias decem,
Coquantur in vase terreo ad consistentiam.

*Ad humores crassos & viscidos ven-
triculo aliisque visceribus impactos in-
cidendos, attenuandos & resolvendos
adhibetur.*

**OXIMEL SCYLLITI-
CUM.**

R. Mellis despumati libras tres,
Fff 2 Aceti

Aceti scyllitici libras duas,
Coquantur in vase terreo lento
igne ad justam consistentiam.

Cerebri, pulmonum & ventriculi
affectus pituitosos tollit, asthamati sub-
venit, obstrunctionesque a crassis humo-
ribus ortas resolvit.

OXISACCHARUM SIMPLEX.

R. Succi granatorum acidorum
uncias octo,

Aceti uncias quatuor,
Sacchari libras duas,
Fiat in vase terreo unicâ ebullitione
decoctio ad syrapi consistentiam.

Putredini resistit, crassos humores
attenuat, sitem sedat, & viscerum inflam-
mationes tollit.

PANIS CYDONIO- RUM SIMPLEX.

R. Pulpæ cydoniorum cum succo
cydoniorum per setaceum trajectæ & inspissatae
Sacchari albissimi ana libras
duas,

Leni igne ad debitam consistentiam
in vase terreo coquantur ad
scatulas implendas.

PANIS CYDONIO- RUM AROMATICUS.

R. Panis cydoniorum simplicis libram unam,
Specierum imperatoris drachmas sex,
Commisceantur, lege artis, pro usu.

Virtutes utriusque sunt stomachicæ,
ventriculum roborando, crassos hu-
mores attenuando, & appetitum exci-
tando.

PASSULÆ PURGAN- TES.

R. Foliorum sennæ sine stipibus
uncias octo,
Seminis fœniculi unciam semis,
Cinnamomi acuti drachmas
duas,

Incisa stent per noctem in aquæ fontanæ sufficienti quantitate infusa loco tepido, manè exprimantur, tum
Hujus expressionis libra una
semis,

Coquatur cum
Sacchari albi clarificati libra
una semis,

In syrupum spissiorem, circa finem
addendo

Passularum corinthiacarum
mundatarum libram
unam semis,
Et serventur usui.

Juvenculis, delicatulis & alia medici-
narum genera abhorrentibus exhiberi
solent.

PULPA, SEU FLOS CASSIÆ, SEU CASSIA EXTRACTA.

R. Cannæ cassiæ ponderosæ, &
quæ concussæ non resonent, ape-
riantur, & contenta in iis pulpa
seu medulla cum laminis & semi-
nibus diligenter excavetur, ex-
empta projiciatur super inversum
& an-

& angustum cribrum è setis equinis contextum , & averso cochlearis convexo medulla cassiæ hinc inde moveatur , ut per cribrum successivè trajiciatur , dein solvantur leni igne in

Pulpæ hujus libra una ,

Sacchari pulverisati uncia tres ,
Instante verò necessitate recentes
cassiæ flores semper educere præstat , cùm diutius repositi acescere
soleant.

Calefacit , humedat , sanguinem depurat , acrimoniam temperat , sitim sedat , bilem & pituitam blandè educit , pectoris abscessus resolvit , & calculum præcavet.

PULPA CASSIÆ PRO CLYSTERIBUS.

℞. Herbarum quinque emollientium uncias tres ,

Florum chamæmeli unciam unam ,

Coquantur cum aquæ fontanæ sufficienti quantitate , extrahitur hoc decocto cassia , & cannæ ejus eluantur , tum

Pulpæ cassiæ cum hoc decocto extractæ , & ad spissitudinem coctæ libræ uni ,

In fine incorporetur

Sacchari thomæi libra una semis ,

Usus præcipuus ex ipsa nominis inscriptione patet.

PULPA PASSULA-RUM.

℞. Passularum minorum succulenta quantum placet , Coquantur in fictili vitreato sat capaci , tum per cribrum setaceum trajiciantur , trajecta pulpa rursus lento igne coquatur ad justam spissitudinem addendo ad

Pulpæ libras quinque ,
Sacchari albi libras duas semis .

Refrigerat , sitim sedat , alvumquè blandè movet.

Pari etiam modo paratur :

PULPA PRUNORUM.

Quæ consimilibus quoquè viribus pollet.

PULPA TAMARINDORUM.

Extrahitur eodem modo , quo pulpa passularum .

Leniter alvum solvit , acrimoniam humorum adustorum mitigat , & cutaneas exulcerationes tollit.

ROB CYDONIORUM.

℞. Succi cydoniorum depurati libras sex ,

Coquantur per se ad mellis spissitudinem , addendo

Sacchari albissimi libram unam semis .

In alvi profluviis ab acrimonia humorum ortis , cholera & intestinorum hæmorrhagiis exhibetur.

Ggg

ROB

ROB CYNOSBATOS.

R. Pulpæ cynosbatos per setaceum
trajectæ libras duas,
Sacchari albi pulverisati libram
unam,

Coquantur invicem ad justam con-
sistentiam.

*Ad renum calculum atterendum,
fæburræ arenosam subducendam, re-
num, vesicae ac uteri hæmorrhagias
corrigendas adhibetur.*

ROB DIAMORON.

Paratur eodem modo, quo rob cy-
doniorum.

*Virtutibus pollet inflammationi re-
sistensibus.*

ROB EBULI.

R. Pulpæ baccarum ebuli libras
sex,

Misceantur leni igne cum
Sacchari albi pulverisati libra
una semis,

Ad justam consistentiam.

*Bilem, pituitam, & serum hydro-
picorum potenter educit, podagrīs
quoquè confert.*

ROB JUNIPERI,

Sambuci,
De spina cervina,
Parantur eodem modo, quo præ-
cedens.

*Menses, urinam, & calculum pel-
lunt, flatus dissolvunt, hydropi, asciti,
& anasarcae medentur.*

ROB NUCUM.

R. Succi corticum viridium nucum
juglandium extracti
libras quatuor,

Mellis libras duas,
Coquantur despumando ad justam
consistentiam.

*Ad oris & faucium graviores
destillationes, & inflammations salu-
briter adhibetur.*



CLAS-